

翠樓新集 目錄

陳結璘四首

朱德容四首

張德薰二首

祁德濫三首

王 煒十首

章有湘一首

章有渭一首

李似姒六首

李 因四首

吳 肅一首

丁啓光一首

李 琬一首

彭 琰三首

徐 簡二首

吳貞閨二首

吳靜閨四首

徐安吉四首

郭 瑪三首

韓佩一首

韓宛二首

浦映淥四首

巢麟徵二首

鄭慧瑩一首

胡氏一首

王靜淑一首

瞿珍六首

王芳與四首

黃荃一首

張靜紈二首

張在貞二首

袁潔三首

王琛一首

王靜言一首

陶履坦一首

時嫻四首

戴淑貞一首

顧若璞五首

王德嘉四首

孫蘭媛一首

吳湘一首

朱蕙湘二首

吳芳華一首

葉文三首

吳氏一首

尼靜照二首

容湖女二首

馬淑禱一首

高幽貞一首

錢宛鸞八首

季嫻十首

王毓貞三首

柳聲五首

張婉二首

胡蓮一首

范璣一首

喬容二首

翠樓新集目錄終

翠樓新集諸名媛族里

陳結璘

字寶月。常熟人。瞿公稼軒先生之子婦。孝廉伯申之室也。工繪山水。善絲桐。所著有藕花莊集行世。

朱德容

字趙璧。山陰人。歸文學祁班孫。太師朱公燮元之孫女。太保世培公子婦。其爲詩以麗情密藻發其胸中奇秀。非尋常閨閣可及。

張德蕙

字楚樓。山陰人。適文學祁理孫。鼎元文恭公元朴之孫女。亦世培公子婦。其詩高渾壯麗。有大家風範。

祁德滢

字湘君。世培公女。年十三四。卽韶慧絕人。黃皆令嘗亟稱之。母商夫人。爲香奩名宿。咏虞姬云。此夜美人歌舞地。遙看白水漫江沙。殆警句也。

王煒

字功史。一字辰若。太倉人。四川副使叔元公孫女。海鹽陳緯度之室。博學敦古。詩多名句。顧伊人稱爲笄幃中道學宿儒。所著有燕譽樓集。

章有湘 章有渭

字玉篴。華亭人。適皖桐孫振公。有澄心堂詩行世。荆隱道人靜雲爲之序。荆隱侯武功母。夏彝女也。渭字玉潢。適江定文學侯研德。與姊並擅才名。

李似姒

字莘子。興化人。其詩雋逸蕭疎。如新桐初引。青山照人。

李因

字是庵。海寧人。光祿葛徵奇副室。翰墨林中。可推祭酒。

吳朏

號冰蟾子。華亭人。適嘉善曹允明。詩多古意。矯矯如千丈松。

祁修嫺

山陰人。吉光片羽。清麗絕塵。

丁啟光

字步孟。山陰人。通州別駕丁承芳之女。配朱元德。長於古體。而律詩尤妍麗多風。

彭琬 彭琰

字玉映。海鹽人。進士彭期生妹。浙江總兵馬孟驊媳。琬字幼玉。適文學朱化鵬。閨中酬和。

洵稱雙璧。

徐簡

字文漪。嘉興人。新安吳子庭副室也。于庭遊粵東。留文漪于吳門。或曰。今歸楊中翰矣。所著有香夢居集。

吳貞閨

吳靜閨

字首良。吳江人。適曹村金氏。書法遒勁。尤精琴理。妹靜閨。字佩典。適汝南周氏。幼慕黃庭。得其筆意。與姊氏並工詩。如春蘭秋菊。各極其致。

徐安吉

字子貞。上虞人。少司馬徐公人龍女。王玉映弟。玉鬯婦也。詩天矯離奇。無閨中纖媚之習。

郭璫

字璫汝。長洲人。適埭川顧氏。畫學趙文淑。花鳥推逸品。書法大小俱有古致。作詩授筆立就。稱倚馬才。

韓佩 韓宛

字照玉。婺州人。妹宛。字湘烟。八歲讀離騷。十二能詩。

巢麟徵

字淑只。武進人。進士五一公女也。適文學黃初子。初子以詩文名世。淑只實與頡頏。里中豔稱之。

鄭慧瑩

字明湛。餘姚人。山西僉事鄭公之尹女。適樞部主政倪會覃。文正公鴻寶之子婦也。詩詞俊妙。有因風吹去。帶月浮來之況。

胡氏

山陰人。配大金吾吳國輔丁睿子言。其詩甚富。惜不多見。

王靜淑

字玉隱。號隱禪子。山陰人。宗伯季重先生長女也。適文學陳樹勳。早寡。其妹玉映。驚才艷質。當爲香簾第一。而玉隱詩亦幽閒挺秀。有孤雲出岫。野鶴橫空之態。

瞿珍

字若婉。常熟人。姿色傾城。雅好舟居。嘗輕舸蕩槳。往來鸞溪虎阜間。硯匣筆牀。青翠柔翰。閨閣儒林。傳爲韻事。鄒流綺贈詩云。慧似文姬與謝妹。豔非趙姊卽楊姨。卽曰過譽。然足當斯語。亦可想見其人矣。所著有月吟等刻。

王芳與

杭州人。太史嚴子餐配也。詩才高妙。堪與夫匹。想六橋三竺之秀。所獨鍾耶。

黃荃

字逸佩。太倉人。太學奉倩女。大參明字公孫女也。工書善琴。歸文學王天路。詩多高素。不爲閨房體。有蕉隱居集。

張靜紉

字文琳。太倉人。本王姓。文學惠常女。太史張公天如內姪女也。張撫爲己女。因姓焉。適儀部張公受先之子汝上。

張在貞

字蕙琬。天如先生女也。通經史。工琴書。與姊文琳倡和。有月窗合草。

袁潔

嘉定人。年二十而寡。黃靜御稱其詩幽峭清麗。絕不猶人。

王琛

字洛珍。烏程人。文學沈宋圻副室。

王靜言

字淑蘭。文琳胞妹。

陶履垣

字固生。會稽人。適大將軍朱臨元。

時嫻

字宜幽。常熟人。給諫修來公女。適顧揆。

戴淑貞

吳縣人。文學殷季修室。詠物諸詩。工麗獨絕。

顧若璞

錢塘人。諸生黃東生室。大參貞父公子婦也。博學能文。以節烈著。其詩盡洗寒鴉枯木之習。獨存黃鐘大呂之音。聞有全集。恨未見之。

王德嘉

字家令。武進人。跡希李杜。步恥鍾譚。豈非香閣異才。

孫蘭媛

字介晚嘉興人文學陸渭之室

吳湘

字若耶江都人參軍范崑崙副室也詩琴畫奕迥絕時流

宋蕙湘

金陵人年十四歲選入宮中後爲兵掠其題壁詩哀怨悽惻和者如雲畢竟遜原唱爲最

吳芳華

武林人文學康某婦也結褵三月兵渡錢塘從夫避地天竺道爲官軍所獲挾之北去題詩旅壁有云後之過此者爲妾歸謝葉砧當索我於白楊青塚間也見者哀之

葉文

字素南松陵人善畫蘭初配嚴某後歸武林張繡虎爲副室

吳氏

嘉興人銓部某之女也。才色俱絕。以所配非偶。不自檢束。致訟公庭。今流寓金陵。

尼靜照

字月士。宛平人。曹氏良家女。泰昌時選入宮。在掖庭廿五年。作宮詞百首。崇禎甲申。始祝髮爲比丘尼。

容湖女子

本良家女。爲宦室婦。詩才敏妙。篇什甚多。特以外君戒其吟咏。故不以姓字傳。茲集所載。荀鼎一樹。狐裘片腋。異旨奇溫。已可慨耳。夫女子亦問其持身何如耳。苟大節不渝。而徒以吮毫弄墨爲罪。則昔之青絲步障。爲小郎解圍者。寧置之女囚山下耶。

馬淑禧

號墨華子。會稽人。瑞州知府馬維陸次女也。與姊淑祉並負雋才。有刻稿行世。

高幽貞

字樸素山陰人

錢宛鸞

字翔青吳縣人。美姿容。工翰墨。風流儒雅。擅絕三吳。今讀其詩。如魂迷蝶枕。三更夢。腸斷花箋。一紙詩。又翠屏斜倚。思無奈。夢逐飛花。過小橋。非豈自爲寫照耶。

季嫺

字靜映。泰興人。父吏部郎翁太宗伯。大弟翰林。三弟御史。夫李長昂。巡鹽御史。子祿。興化進士。近代榮貴。罕有其比。所著有雨泉齋詩行世。

王毓貞

字月妹。廣陵人。爲詩舉體皆俊。而聲情筆舌。足以發之。真閨奩妙手。所著有幽蘭閣集。

柳聲

字紫碗。華亭人。少穎異。寓落平康。色藝不羣。昔適維揚。今適天長。君矣。友人誌慨然有云。
楚峽雲歸芳夢散。邗溝月在故樓空。真不勝風流雲散之感。

張婉

字小青。一字婉仙。原籍松江。今居西湖。淡粧濃抹。亦復相宜。

胡蓮

字茂生。台州人。才情絕世。所著有陟江集。

范璣

字舜華。揚州人。姿容窈窕。名噪青樓。

喬容

字雲生。金陵人。

翠樓新集

淮南劉云份青夕選訂

蕉紙

陳結璘 字寶月

函香束素碧雲叢。清影遙分几案中。信手旣堪凝黛色。可心何待襲箋紅。面紋瑩淨難沾雨。體質輕柔不耐風。漫道比來吟興減。蕭蕭無限粉牆東。

松琴

千章謾謾出林叢。鶴夢驚回碧落中。絃掛薜蘿還帶綠。匣鏗泉石暗流紅。峯頭影拂天心月。焦尾音傳谷口風。獨臥白雲餘古調。茶聲相續鳳池東。

麥浪

參差秀色出雲叢。新漲平疇縹緲中。銀捲乍迎鷗背白。雪翻斜沒雉頭紅。綸竿誤釣波心

月帆影空懸渡口風。曳杖試登晴隴望。兀兀何處辨西東。

雨絲

霏霏拂拂曉烟叢。潤綠凝香草色中。帝女自盤龍軸冷。天孫空擲鳳梭紅。廉纖隔斷秋閨月。黯淡愁添客邸風。粉濕蝶衣飛不起。低迷猶傍小牆東。

採蓮曲

朱德蓉 字趙璧

綠葉羅裙一色裁。芙蓉映水兩邊開。欲將新曲頻頻唱。恐有鴛鴦飛入來。

咏虞姬

歌罷傷心淚幾行。江山旋逐楚聲亡。貞心甘向秋霜劍。不欲含情學漢粧。

愁雨

烟雨重重宿鳥驚。惜花愁聽落花聲。只今閨閣應寥寂。還憶亭臺芳草生。

寄修嫣

莫捲珠簾對碧山。山邊孤鳥自飛還。如何百里相思路。惟有隨人月影間。

贈湘君

張德蕙 字楚縵

蘭房獨起遲。無語對羅幃。此意無人解。深閨未嫁時。

懷湘君

晴烟曩曩正深明。不耐春光滿院生。風送謝樓雙燕舞。月含梁苑百花輕。閨中少婦機杼
嫩。陌上王孫芳草平。空有黃鸝歌伐木。無人解是斷腸聲。

秋月

祁德菴 字湘君

高樓今夜望。惟有桂飄香。秋月臨窗罨。羅衣出閣長。雁鳧雲外度。楊柳影中涼。玉砌蛩吟
處。寒宵意獨傷。

憶益姐

拈來闌上黃金線。倚遍亭前白玉欄。徒憶空園懸畫板。春風一夜杏花殘。

中秋

玉漏沉沉夜氣清。停杯愁對月光明。人間亦有嬌娥怨。難寫班姬泣扇情。

湖上詠

王煒
字展若

爲客依山水。烟霞與夢通。月隨歌舫後。雲散舞衣中。嶺樹千重綠。湖花兩岸紅。行吟隨處好。芳艸正東風。

又

偕隱今何處。西冷足管絃。山光疑帶雨。江影欲侵天。密柳藏漁艇。飛花拂酒筵。移家令更遠。聯袂入雲烟。

病起

病餘愁見遠山橫。閉閣清吟繞榻行。對酒喜聞花有信。眠雲思伴鶴長生。月隨樹影侵書案。泉帶蘭香瀉藥鐙。莫惜貧居倍岑寂。林鶯亦自有春聲。

鄉思

不禁鄉思倚危樓。山色空濛海氣浮。風雨別來花半老。音書隔絕雁經秋。林間野鶴呼幽夢。天際浮雲帶遠愁。好寄相思與婁水。門前日日有潮頭。

西泠園詠

澄江迴抱古城斜。一片烟雲接永嘉。爲愛好山聊住足。偶依高樹便成家。湖光潏潏侵行笈。竹影參差帶落花。聞道故人將卜隱。短衣雙挽鹿門車。

又

爐烟飄緲闌芙蓉。樹色湖光涵太虛。燕子呢喃同作客。雲山圍合好藏書。琴聲入竹風相助。花影橫窗畫不如。莫怪藤蘿經歲月。古來泉石可安居。

秋眺

遠天薄暮蔚藍光。慵倚高樓望大荒。目斷飛鴻愁思遠。不知明月上衣裳。

新涼寄衣

西風昨夜透輕羅。猛雨翻池戰芰荷。遙憶挑燈孤館坐。秋寒偏是客中多。

春晚

鞦韆庭院落花紅。午夜香消逐曉風。殘月半簾人未起。聲聲燕語夢魂中。

秋暮

病裏閒行數落紅。雁聲啼入雨聲中。愁心一似寒林葉。百匝千回逐曉風。

馬嵬坡

章有湘 字玉篴

蜀道歸時麋鹿稀。馬嵬怕見杜鵑飛。三更雨泣腸猶斷。一枕鈴聲憶貴妃。

舟行即事

章有渭 字玉璫

曉霧迷離彩鷁輕。棹歌徐動見秋晴。臨淵鷺子亭亭立。夾岸蒲花漫漫生。遙指小山遮塔影。忽經深樹出鐘聲。晚涼不覺羅衣薄。自愛澄河片月明。

古怨

李似娥 字莘子

君恩似明月。昨圓今又缺。儂非三五時。歡情不如絕。

春歸

松花膩蝶粉。萍葉繡魚鱗。最是春情薄。無端奚落人。

閨述

自向紗寮拭鏡奩。背人學畫小眉尖。博山卮用焚龍腦。風約花香納繡簾。
次第新鴻逗碧空。碎霞鱗砌一山紅。夜來怕聽梧桐雨。枕畔蕭涼夢不工。

白頭吟

得意相如客帝都。何緣重聘茂陵姝。多情既解長門怨。不念臨卽舊酒罏。

七夕

一尺銀河鵲髮填。巧雲居後月居前。人間休道佳期好。幾刻歡娛又一年。

七夕

李因 字是庵

殘機初了獨凭樓。河漢秋宵月一鉤。盡道雙星今夜合。年年賦別使人愁。

早發南留道中

十里烟林露未收。蕭蕭山雨報新秋。溪流不斷垂楊影。送盡年年過客愁。

鷺嶺山莊尋秋

十丈懸崖掛薜蘿。參雲風頂見嵯峨。閒搜怪石秋林晚。獨聽殘鐘曉月過。黃葉山前人跡少。白雲天際鳥聲多。冷泉亭下潺潺水。不許漁舟唱棹歌。

孤山竹閣社集

層巒秋鶴護禪林。蕭瑟荷衣水氣侵。百畝野梅留鶴跡。千尋古木覆簷陰。風傳雁語鐘聲寂。露咽蟬吟樹影森。遙望西冷明月夜。欲斟蘇小酒重斟。

眺野

吳舫 字冰蟾

秋光瀟灑散平湖。白水明沙混玉塵。近渚風生殘葉落。遠山流翠碧雲孤。龍將物色供憑眺。好拾蒼茫入畫圖。夕照漸低村樹隱。銀蟾一點漏疎梧。

賦得紅樹美人攀

丁啟光 字步孟

纖手折妍紅。鶯啼憔悴中。香腮春映日。白紵漾生風。細蕊憐雙蒂。游絲繞一叢。詰花渾不語。搔首問天公。

懷王辰若

彭琬 字玉暎

陌上烟生碧樹枝。紫屏晝掩落花時。何當得覩雙成貌。空羨繁來道韞詩。曲徑茶香留夜月。朱欄鳥下看圍棋。三春風雨愁深淺。病骨支離無限思。

前題

彭琰 字幼玉

碧草萋迷暗柳枝。匆匆良晤夕陽時。纖眉畫就春山色。素紙裁成白雪詩。風送花香沾去袂。鳥啼竹徑冷殘棋。歸來靜掩閒庭月。欲向清光寄所思。

攜手春風裏。堤邊柳正妍。自憐纔一晤。今別卽經年。夜雨疎燈下。梨花寒食天。多情是蝴蝶。嘗與夢魂牽。

九日

鳴蟬無語戀寒枝。正是登高病起時。忙裏不知秋色老。青山紅樹夕陽垂。

宮詞

徐簡 字文漪

紅樓昨夜醉春懷。王導當場勝賭牌。却被簾鉤輕觸損。聖恩重賜九鸞釵。

又

沉香亭子玉勾欄。植遍名花按月看。第一莫栽紅芍藥。此花開日又春殘。

讀葉昭齊詩

吳貞闥 字首良

願假青燈力。尋君愁恨篇。身何隨命薄。名豈受人憐。秋冷長門雁。春啼湘水鵑。如予遲暮在。心折畫屏前。

春暮

簾影漾清波。空庭鳥自過。楊花三月雨。春水綠萍多。

風梅

吳靜闔 字佩典

梅花紛遶戶。玉色冷蒼苔。斜影含情墜。低枝帶笑開。落疑殘雪隱。舞促暗香來。不盡相思意。窺人日幾回。

紅葉

簾映丹楓鎖暮樓。新霜點綴在枝頭。三分春色千花闌。九十秋光一葉收。漢苑昔傳清恨去。吳江今逐冷風流。莫教吹向深閨聽。添得閒宵幾段愁。

題牡丹

窈窕還疑舊洛陽。廣陵一曲舞霓裳。綠衣天子人年少。扶醉宮中姓是楊。

南窗夜雨

雲暗松窗夜。殘燈雨碎聲。那堪孤夢醒。滴滴到三更。

古意

徐安吉 字子貞

柳色欲輕黃。朱樓人自傷。愁來無洛浦。夢去有高唐。寶鏡空懸架。榴裙驗取箱。誰書桐葉字。墳草變鴛鴦。

感秋

秋清萬點越山多。雁陣看來字若何。湖氣已經霜後白。雲光猶向日邊和。殘蕉落葉迴人夢。野菊垂花泛酒波。小胆怯愁蘇病骨。寒風相贈益輕羅。

春詞

西樓殘月子規情。幾樹梨花照水橫。自抱胡箏廊下坐。含愁撥得兩三聲。

憶外

萬木陰陰遶竹塢。月來伴妾妾思夫。人人謗月明猶鏡。試照相思得見無。

夏日

郭璿 字璿汝

不識愁何處。垂簾近曲廊。遠鴛啼柳碧。輕蝶戀花黃。攤卷藤床靜。看雲石壁涼。却憐空日。日憔悴舊斜陽。

村居

小築編籬傍水濱。每逢涼夕月初生。淒蛩向戶可憐在。宿鳥依帷不自驚。江上湘娥愁暮竹。人間客子賦秋蘅。蕭蕭半是傷搖落。况值高天霜露清。

遊女

珊珊楚步小橋東。笑語香微花影紅。斜過柳陰人不見。白雲滿徑一溪通。

七夕

韓佩 字照玉

天上從教別思多。東西相望意如何。自應悔作牽牛婦。贏得年年一渡河。

七夕和姊

韓宛 字湘烟

斜月涓涓掛玉鉤。鵲橋仙子會牽牛。雙星若使常相合。何用穿針上小樓。

送燕

紅襟翠袖自踟躕。最愛雙飛畫閣前。今日送君途路遠。春風相見又明年。

除夕

浦映淥
字湘青

聞昔秦淮醉管絃。今朝行李又徂燕。從今怕聽泥金信。恐住京華又隔年。

北望

聞道嚴寒向北賒。馬蹄晴雪壓黃沙。懷人正在春三月。莫認楊花作雪花。

牡丹亭

情生情死亦尋常。最是無端杜麗娘。虧殺臨川點綴好。阿翁古怪婿荒唐。

吳門讀會真記

有始無終奈若何。當年悔殺不投梭。只贏傳誦千人在。無日閨門不聽歌。

春閨曉起

巢麟徵 字淑只

明月獨愁花影細。靜來香院半留春。清釭小鼻燈苞剩。墜露初抽蕙畝新。城樹遠聞鶯喚。早石苔多爲鹿眠。馴晴烟曉起纔殘夢。好黛雙描拭墨勻。

歸舟

兩堤烟柳碧于紗。中夾茅扉三二家。數點睡鳧飛不去。月明溪漲白蘆花。

客外

鄭慧瑩 字明湛

青鸞有信孰傳愁。目斷天涯倚斷樓。東河渡口帆千片。知道君家那一舟。

破船詩同映然子咏

胡氏

並立畫橋景物幽。梅痕草迹逐波流。小舟一似玲瓏葉。漏洩春風滿載愁。

中秋

王靜淑 字玉隱

空齋寂寂語高臥。一床秋苔色渾無跡。溪光淡欲流。塵隨紅葉落。心與白雲休。蕭瑟聞寒

雁鳴空萬籟幽。

晚感

瞿珍
字若婉

冉冉烟霞夕照中。玉窗倦繡結詩筒。春機織就雙鴛錦。粉淚拋殘薄露叢。落日寄情隨去鳥。遠山迷恨隔歸鴻。雲箋香滿人何處。一段離愁斗帳空。

有懷

燕燕鶯鶯喚奈何。鏡中斜見鎖雙蛾。偷回怨臉詞難訴。欲掩啼痕淚轉多。擁髻更誰憐好影。持觴何日辟愁魔。依依柳色催腸斷。墨淚淋漓瀝綠羅。

早起

畫眉魂欲斷。織錦縷難成。小立誰憐瘦。臨粧暗自驚。曉鶯啼破睡。東日照殘瓊。紙帳香猶剩。羅衫帶尙縈。

春雨

宵來春雨散桃花。滴破輕羅浸碧紗。眠柳垂頭拖粉淚。參差紅綠映波斜。

夜坐

星斗依稀月漸高。昏黃風弄竹蕭蕭。誰來簾外吹寒笛。偏到愁人耳畔招。

憶外留鶯湖

王芳與

柳瘦輕烟際。迎風引緒長。有愁難寄酒。無淚不關裳。芳艸遲歸棹。遙山待好粧。問君湖畔宿。幾見好鴛鴦。

題畫

藥草依巖碧。秋山出岫高。衆芳搖落盡。流水自朝朝。

江靜漁釣冷。烟深鳥夢柔。空林無月到。野艇爲誰留。

春晝

游絲似欲織愁腸。兩兩黃鸝叫夕陽。好問新苔爲誰綠。東風空自惜花香。

並頭蓮

黃荃 字逸佩

隱隱香風媚早秋。露華微濕晚粧幽。昭陽姊妹同時立。十二紅樓盡帶羞。

春晚

張靜紉 字文琳

無聊晝起不勝嗟。又見紗窗日影斜。綠暗小枝春欲盡。杜鵑啼落滿山花。

秋閨

長夜蕭蕭金井寒。深閨寂寞漏聲殘。紗窗月轉燈猶在。羅帳人愁淚未乾。

憶姊

張在貞 字蕙琬

銀河迢遞暗螢過。數點疎星別思多。遙憶繡帷人未寐。漏聲應促月明歌。

雨

空階滴滴夜悠悠。危葉經風一半留。敲破鐘聲雲暗度。送人愁思爲兼秋。

清明

袁潔

簾捲微寒獨坐時。東風滋味病中知。梨雲未冷三春夢。杏雨爭催二月時。愁怯花魂輕欲墮。恨消蝶骨瘦難支。不知今日江城柳。留得青青第幾枝。

有懷

西風瑟瑟怯輕羅。怕倚欄杆看雁過。暗覺秋思添一段。鳳仙臺伴落花多。

秋閨

懶向粧臺咏白頭。幾曾教去覓封侯。多情惟有秋天月。會伴離人長夜愁。

落花

王 琛 字洛珍

小園春色已將闌。細雨微風吹更寒。花濕欲飛情似怯。綴來蛛網暫偷安。

枕

王靜言 字淑蘭

繡就鴛鴦臥玉人。銀床錦帳不勝春。啼鳥叫斷三更夢。斜照紗窗月影新。

春日感懷

陶履垣 字國生

蕙蕊蘭芽透碧紗。含愁寂寞度年華。可憐春色無多許。簾外香塵帶落花。

四時閨詠

時媚 字宜幽

九十春光一夢中。半晴天氣晚來融。淡粧不用胭脂染。夾岸桃花映面紅。
清涼無暑扇輕紗。小汎扁舟岸影斜。蓮浦風生香夢淺。月明炤醒一池花。
小砌梧桐落葉殘。早傳涼信覺衣單。蛩聲逼枕難成寐。剔盡銀燈夜正寒。
故園搖落鴈鴻思。又值天寒歲暮時。閨閣不知風雪冷。却嫌梅柳報春遲。

詠菊

戴淑貞

淡淡凝霜靜。疎疎帶露妍。種因處士貴。名借大夫傳。香艷嬌空谷。繁黃斷遠烟。更將秋晚節。掩映謝庭前。

美人圖

顧若璞

芭蕉掩映芙蓉褥。錦瑟瑤琴陳紫玉。牡丹的的生春風。翠幕珠簾護銀燭。美人盡日倚玉

簫粉鑿合嬌不成曲。寄言簫史漫乘鸞。階前芳草年年綠。

宮詞

蓮花漏下月盈盈。還自挑燈索史評。看到漢宮人出塞。滿懷離恨一時生。

又

新裁蜀錦舞霓裳。唱徹吳歎倚玉床。贏得君王同一顧。只今猶帶御爐香。

看牡丹

落盡繁花始放紅。膩香紅粉怯芳叢。庭前一樹青梅子。遮莫傾筐怨晚風。

湖中

湖光渺渺冷烟微。汀鷺沙鷗佇不飛。恰欲抱琴輕別去。菱荷分綠上羅衣。

秋思

王德嘉 字家令

冷夢催霜曉。寒笳動遠秋。抱琴因寄恨。對月轉成愁。淚雨梧桐濕。悽懷雁羽修。江天無限

意秋色滿溪頭。

春恨

寂寂無聊簾半鈎。綠肥紅艷映層樓。鶯藏翠色迷春恨。蝶趁花疎惹暗愁。幾度停毫思去夢。一番花褪意如秋。輕紅片片隨風去。總抱閒情付水流。

山意

翠壑映山濃。高峯古寺鐘。不聞人語響。惟有落花風。

秋溪坐月

翠壑層層映碧空。一池秋色浸芙蓉。清溪坐月遲歸步。睡意應知怯晚風。

偶題

孫蘭媛 字介晚

畫簾初捲月猶扁。賸有疎香伴石屏。堤柳依然春在否。年年芳草百重青。

西泠詠

吳湘 字若耶

不解爛刀尺。隨時好看山。檐牙香篆字。湖面翠生斑。靜亦翠中福。勞因詩未珊。古人悲莫見。椎髻望躋攀。

題汲縣壁

宋蕙湘宮女

風動江空羯鼓催。降旂飄颭鳳城開。將軍戰死君王繫。薄命紅顏馬上來。廣陌黃塵暗鬢鴉。北風吹面落鉛華。可憐夜月箜篌引。幾度穹廬伴暮笳。

送旅題壁

吳芳華

胭粉香殘可勝然。淡黃彩子謝風流。但期死看江南月。不願生歸塞北秋。掩袂自憐鴛夢冷。登鞍誰惜楚腰柔。曹公縱有千金志。紅葉何年出御溝。

寄友

葉文
字素雨

幾度黃昏後。懷君怯上樓。娟娟松外月。偏照別離愁。

春寒夜雨

羅袂春寒斗帳空。夢殘芳草怨東風。隔窗雨洒聲聲急。狼藉庭前一夜紅。

舟中詠

吳氏

一泓秋水浸羅衣。月色依舟淚滿裾。皓魄不隨風落去。空留怨骨伴郎歸。

宮詞

尼靜照 字月士

掬面東風只自知。燕花牌子手中持。椒房飲得金龍紙。勅寫先皇御製詩。

又

一樹寒花冒雲開。幽香寂寂映樓臺。女官爭簇傳呼近。知是鸞宮選侍來。

春夜讀史

容湖女子

城頭更欲起。鳥息樹常幽。遠月生虛夢。澄天洗舊愁。樓高春露重。花瘦暮烟稠。慷慨前朝事。明燈照水流。

別曲

長短亭前水自流。絲絲弱柳送行舟。君舟好載青山去。免使蛾眉相對愁。

感懷

馬倣禧 字玄華子

曉來無力倦臨粧。睡起遲遲日影窗。忽報春光今已盡。含愁強步小迴廊。

嘲不識字

高幽貞 字朴素

小小毛君重若山。兩頭倒執暗中間。及觀識字人多累。不識字人反得閒。

秋霽

錢宛鸞 字翔青

一雨新秋候。千林暑氣收。歸雲依落照。飛葉滿荒丘。樹杪蟬聲咽。天空雁影浮。良宵清不寐。秉燭上南樓。

無題

天涯後會豈無期。鸞鏡生憎妬影時。別緒遠依雲樹杳。音書難訊雁魚疑。魂迷蝶枕三更夢。腸斷花箋一紙詩。憶得秦樓雙跨鳳。洞簫聲咽不堪吹。

春恨

風雨閒庭鎖寂寥。又看春色望中消。翠屏斜倚思無奈。夢逐飛花過小橋。
林木蕭疎噪晚鴉。斜風欲透小窗紗。莫憐秋影偏岑寂。紅葉飛飛似落花。

秋夕懷弟

梧桐落葉響西風。天外初飛塞上鴻。今夕拈題誰共集。博山烟冷夢關東。
江南楓葉醉秋紅。十月邊城雨雪漫。縱有故鄉千兩絮。角聲吹處客心寒。

七夕

雙星遙度晚鐘初。翠羽盈橋香引車。今夕朱顏猶傅粉。來宵綠鬢定停梭。
凝凝舊恨風鳴佩。漾漾新愁雲襯裾。乞巧樓頭誰贈巧。常年空待五更餘。

芙蓉

吹來玉露濕花光。側岸芙蓉獨傲霜。綠葉不隨楓葉赤。紅英相伴菊英黃。
蜀城日照開新

錦江渚風牽醉晚粧。祇許伊人得持贈。淡烟疎雨自生香。

別潤城盟姊

王毓貞 字月妹

雙帆帶霧忽東分。載得離愁江水淒。南北地天同此恨。春秋風雨各成題。無書可倩三山雁。有夢頻驚五夜雞。恨不身輕如燕子。飛飛掠過數峯西。

賦得秋張閨月夜風

蘆花盡白蓼花紅。無限淒其月夜風。已是愁人聽不得。空階何事響梧桐。

柳

搖拽章臺柳萬條。時經離別贈河橋。青青願得常持手。收拾榴裙繫舞腰。

採蘭

柳聲 字紫曉

深深一片心。小閣未梳春。戲剪雙頭朵。慙慙贈箇人。

風蘭

香魂搖曳不勝愁。珍重攜來上小樓。分付封姨莫相妬。空山誰肯惜清幽。

露蘭

含珠顆顆濯芳標。色味輕清分外嬌。恰似懶妝人抱恨。木蘭亭北倚牆高。

月蘭

花香月淨正相當。不學繁枝引蝶忙。夜靜影移春砌動。淒涼和夢到書床。

雨蘭

疎櫺滴瀝雨摧花。一串芳心九畹斜。西子廟前迷杜宇。莫愁湖上瀟蘆家。

漢王驚鵲枕

張婉
字婉仙

綠陰庭際影生涼。風韻何如半野堂。深入睡鄉猶未足。應魇玉枕是鴛鴦。

嘉又錦席

朝來雅集喜隨君。冰簟蛟綃映水雲。一卷湘紋輕似練。因懷捧硯待書裙。

東園春集

胡蓮 字茂生

得遂探幽計。閒雲襯屐飛。花香雜鳥韻。苔翠亂人衣。醉眼看誰是。狂歌覺我非。班荆頻未厭。省對坐餘暉。

真州看桃花

范璣 字舜華

江柳風中亂。桃花已暮春。扁舟迎紫燕。帆影逐青蘋。載酒龍門會。清歌洛水濱。武陵從此渡。片片溯前津。

步韻答所贈詩

喬容 字雲生

憔悴妝前夢未消。春風處處傍君輶。自憐弱質如花瘦。且喜同心向月標。未許白頭吟司馬。豈堪紅袖舞雙喬。巫雲一片江千遠。留却愁眉不忍描。

又

瞬息年華莫浪消。感君魂夢繫輕輶。已知燕子樓頭冷。祇願麒麟閣上標。秋冉湘蘭差北

晁春深銅雀愧稱喬。可憐碌碌烟花裏。敢効微颺也待描。

中國文學珍本叢書

第一輯 第二十四種


中華民國廿五年二月初版

翠樓集

普及本實價二角五分
特印本實價三角五分

撰著者 劉雲份
校點者 施蟄存
主編者 施蟄存
發行人 貝葉山房
總經售 張靜廬
上海雜誌公司

上海總店：四馬路三二一四號
廣州支店：永漢北路二二九號
京南支店：太平路二一四八號
開封支店：中山北街二八四號
雲南支店：土主廟街四七號



初版本1 — 2500本

來
323

中華民國廿五年貳月貳拾日收到

